

笏

庵

詩

吳氏一家稿

笏庵詩三

錢塘 吳清鵬 程九

丁亥

山居三首

避暑遠城市偶此山中居
山中亦何有喬木數百株
鳥飛曙色後人語空庭初
我起亦已宴徐徐四體舒
午風送微涼我坐還讀書
夕月散清影我步繞階除
往契如有會來念忽已殊
所嗟身累成焉得常恬如

昨夜山中雷散足山下雨
田水曉猶積隴色翠如舞
農人各有事誰敢後勞苦
丁男出在野婦女來餉午
我時

柳陰下閒就父老語感彼辛苦詞得知艱難故願念不
耕人坐享內慙沮未能事力作我務庶自努

連日有所識鄰里會不稀田園晚多暇荷鋤各已歸知
我未卽去時來欸我扉晰晰月流坐瀏瀏風吹衣人多
語苦雜我意未忍違久并我忘我任眞皆天機始知山
中好愈覺世上非常恐一朝散此心彌依依

山中答友人問

早歲服名教中復好自然未能遂無累遭世忽拘纏驥
首倦長路戢鱗思重淵將尋松門隱言訪柳市賢適會
得告謝暫復歸園田屬當苦炎月巖棲玩流泉葺宇面

蕭爽疏館抗層巖果木自成列水石互相鮮朝聞嶺猿
嘯夕送溪鳥還休憇偶爲遂縱誕任所便聊取消永日
非謂養餘年吾子如有意聿來共周旋

慈雲嶺望八卦墳

升高望原野有田如卦紋鬱鬱見松柏不知誰氏墳居
人指謂我今已無子孫路爲採樵占恐便摧爲薪悲風
起中野落日低斷雲疑是古魂魄戀此猶來親人生皆
有死鬼獨不死存眞恐旣死後不樂南面尊大哉造化
事此理難究論吾今亦何感以待時屈伸

下慈雲嶺至西隱庵

坡陀豁奔峭雲木蔚參差懷新目已接趨險力不辭西
隱此精構不知何代遺玉座垂繡帳神人身手奇傳聞
祈蠶人多在二月時山僧不外出布米有餘施我來已
仲夏不及賽社期愛此淨地僻少畱清話遲謂余說歲
古今茲煩宜絲且喜聞慰語我亦姑信之

溪行

微風度林際遠聞溪水聲潺潺未知處泠泠心已清緣
源屢迴復涉流愈澄瑩沙石散的皦花木寫空明細路
通橋小虛舟繫岸輕兒童誰家子三五持竿行得魚自
矜喜輦間笑語生我意願之樂不知日已傾飛來兩白

鷺泯泯暮流平

郊游

地僻人事簡鳥鳴天氣清
自來山中住得覽郊外情
涉淺初有適探深信所行水
淨溪流影山空谷應聲
午風落曉翠炎月發秋英
境去意隨遠情來步覺輕
披衣始朝出曳杖還暮征
竹暗野陰合松明嶺月生
行人煙外语宿鷺沙際鳴
已復忘歸路相逢不問程

宿荷葉浦

閒居近一載逍遙事容與
如何復舍去行役不遑處
朝過木杓灣夕次荷葉浦
樹動先已風溪昏欲來雨
嗟余

抱素尚非是戀懷土念返班生廬得希列氏圃著書以
終身取樂於往古悵焉乖夙心出處莫能主

新市鎮

北上辭家初百里鄉音漸變近吳興雲溪橋轉通孤棹
水市樓明動萬燈比戶人家多種竹沿湖兒女解歌菱
幾回泛宅思移住風俗從來素儉稱

渡揚子江

曉星落盡餘緋霞東風東來吹江沙舟人打鼓爭相發
客子開帆喜不斜須臾風急浪花捲身若無船覺船軟
金山下有浪如坐綿絮一輪海日乍低昂兩點金焦互
中舟人謂之軟浪最險

飛轉鐵鑊山根盡動搖金陵樹色時隱見江山自古經
戰鬪餘怒波濤日干變落帆西岸心始安風聲尙勁灘
聲淺卻望來船半未濟吞天一葉橫江剪京江渡此已
廿年一渡一回真可憐雖然輕涉亦奇絕不用性命多
煩煎

白塔灣懷揚州諸兄

京口渡江天始明瓜城坐望思蕪城雲頭屢出塔隱見
風腳乍與帆送迎燈火龍橋近五里門關魚鑰嚴初更
弟兄咫尺阻相見獨夜自看參星橫

陪張雲巢

青選

離使鄭夢白

祖琛

都轉展祀三

賢祠遂游平山堂諸勝晚飲洪園二首

歐老古遺愛長公宜匹儔
漁洋好詩思邗水並風流
瓠葉升堂禮荷花出郭舟
二君用深意兼得有千秋

午日猶煩暑清風信溯沿
園亭行賞遍花竹晚來鮮
玉盃分漿冷銀叉取果便
留歡屢更燭不放吏人前

夢金焦二山

金山美麗如洛神
凌波微步淑且真
焦山背却不肯來
魯連蹈海閒徘徊
平生妄語山論品
喧寂自謂識山性
卻怪未識山容顏
山靈笑我常無閒
昨來復又怒怒別
夢裏如聞山我責
郭璞墓前江水清
焦先廬上海雲明

覺來尙記愁欄處兩鶴橫飛掠波去

江夜

秋來又作秣陵行薄晚津郵第幾程漁唱月明瓜步岸
估帆風利石頭城江山他國逢清夜燈火孤舟見旅情
爲是故園歸未得百年泛泛寄吾生

潤州夜泊

霜凋木葉下清秋中夜推篷起旅愁星斗三更澄海氣
魚龍九月靜江流戴公山下苔封徑米老庵前樹隱樓
亦擬百年同卜築不堪飄泊未歸舟

金山

了公已去妙高臺臺迥凌虛面面開山勢截雲江北斷
潮聲湧日海東迴高談贈帶參蒲褐小汲懸瓶試茗盃
更待晚來看月上船人取次莫輕催

自金山放船焦山值風不果

金山放溜順潮落臥聽中流艣鴉軋正好江平風靜時
舟子驚呼忽不發起看東角有微雲一點青天面壓著
其防近海徒蛟螭漸覺前山亂鴉雀努力回船未半間
白波吹卷已如山倉皇莫辨雜雷雨咫尺不到爭溪灣
依蘆傍葦幸得命弱纜岌岌憂茆菅我生萬事盡如此
每到欲行中輒止焦山不到奚非天望之見之不可前

晚來索然興已盡日落江清風亦定

渡河

向北冰霜早臨河起暮愁長風吹獨樹短日去荒流浩
蕩思回駕遲疑怯上舟前登見茆屋棲宿已堪投

王家營夜雪懷維揚諸姪兼簡江式新

慎銘

秀

才二十韻

袁浦揚帆過晴和正好時渡河風轉變投店雪紛披向
晚侵窗急增寒倚枕遲一爲西笑客五賦北征詩元髮
今凋矣青雲孰繼之維揚回首隔諸阮比肩隨氣得竹
林逸文攀桂苑竒不違終日語並起古人追莫可拘龍

性誰能養鳳姿望洋秋水細朝嶽衆峯卑登涉方知大
徘徊尙有歧聰明俱不偶造次近無師切切思裁正俚
俚又別離王程吾近迫家學汝深思祖德清猶在經畚
富足資須傳范喬硯莫好謝元棋更想江郎筆同爲玉
樹枝白圭能謹語江爲八
兄婿紅豆最工詞並欲掀鱗甲何
時豐羽儀書言無盡意去去待蓬池

發王家營至三顆樹

一車輕裝僕先赴一車我後輾轉誤泥深路滑天又晚
張家村裏尋牛雇以牛率馬馬不行馬怒嘴牛牛畏怖
牛馬兩心不濟力牽掣翻成無好步終然去馬始得安

冰刺蹄傷牛亦住，覓薪敲火姑自煖。搜篋出糧忘失具，
居人閉門月色冷。客子伏轅風響怒，但覺空村有虎行。
焉知獨夜無人訴，天明僕走始復來。苦道跟尋非一路，
一身背後誰得知。我汝飢寒亦難顧，更呼衆力爲掀扶。
日午雞啼三顆樹。

道中曉霜積樹如梨花遍村落間戲詠遣懷

車行入村馬蹄急，五更欲曉天微白。寒中何得春風來，
前村後村梨花開。花濃態重枝力薄，片片吹翻馬頭落。
天意似慰羈旅人，故遣青女爲刻真。朱門日出夢猶嬾，
欲見須臾定難緩。奴僕局促正苦寒，汝輩那知天地寬。

沂水渡

投晚適孤驛值險阻前征客子候利涉鄉人欺旅行寒
日澹無色潛波凍有聲佇望野煙合徒倚霜風生我僕
困且憊我馬飢以鳴道路不相管徒御空自驚茲地非
荒陋輿梁亦易成誰能百金惠濟此一水盈守土得無
念王政何時平

大禹崖

山行疲礪犂日夕困掀簸禹崖益峻峭控縱匪由我岡
迴兩壁削磴絕一坡侈陡下忽若懸引重孰能荷駭膽
已流汗迅蹄猶迸火難假力士挽詎全醉人墮險脫茲

云幸夷傷昔聞頗三復垂堂戒吾行信輕果

泰安道中

窮冬日色慘巖谷互顯晦我行泰山道未盡泰山態側
聞日觀奇夙想天門最始歷初疑通少涉已多礙荒途
巨冰雪元陰結霏靄凍瀨沉笙竽寒木倒旌旆首尾無
端倪混茫一氣內明朝過泰安已盡齊魯界回視昨來
處半落飛鳥外焉得際佳日放眼騁一快東瞻海瀉杯
西覽河縈帶

羊流店

冷日下遙村暮色遞隱見歸鳥已趨林行人欲投店前

多風言卷二
有太傅祠邦人之所建風流空在想蘋藻莫爲薦重門
閉茆屋孤燈落寒燄夜聞風雪急萬騎若來戰感此一
宿情發我千載嘆緩帶未能學角巾歸可羨

留智廟

我行徐究來所歷多古蹟留侯有遺廟懷想復茲邑若
人乃天人平生竟莫測指揮楚漢勢睥睨萬人傑狀貌
疑魁梧丰姿轉灑逸婉婉帷中畫矯矯雲間翼當時挹
清芬後世仰遺則頽寢何蕭條生氣尙奕奕時來天地
開道合主臣得於今倘再生佇爾贊前席

軒轅臺

鴻荒誰紀歲茲臺尙表揚未知經始年創此竟何設萬
古杳難問遺址空嶮岬陳公昔游處浩歌傷激烈我後
又千載登覽再嘆息大風吹野垢寒霧隱林日所見正
如此得匪有合轍后收何當見蚩尤應可滅

櫻桑村

芒碭雲不飛滹沱水亦死惜此好根株一枝扶不起日
晚驅車來吾行適至此喬木已無存况問開國始父老
豈遺民幾家依故里人煙冷墟落歲月老枌梓惟餘古
叢祠未甚沒荆杞伏臘走衣冠時來修漢祀

除夕移居郡館十二韻

舍館昨未定聊從陸子餐故人深與愛獨容易爲安郡
屋無租算常時就解鞍掌門猶強識發鑰爲周觀鼠跡
登牀滿蝸涎上壁乾漸能開雪徑只欲倒風欄擔水爲
炊起將泥補罅完往來終日畢俯仰一椽寬事暇知身
倦情孤覺歲闌寒花當客放獨鳥避人看尙有杯堪舉
那無卷可攤且爲今夕樂莫作故園歎

戊子

正月六日送秋漁出宰萬載

捧檄知爲喜當盃覺又愁明朝况人日何處是袁州雪
樹侵江驛春山入邑樓到時猶及惟莫忘北書投

送虹江移職熱河兼簡林石寄

從炯

我如散行馬君似急飛鳥急飛轉得遲散行不識道自
我還西湖君時亦謫居思君紅蕙花何得先秋枯寒冬
十二月我訪君京邑心急不得見握手上元夕上元成
蹉跎送君渡灤河關外故人少雪大風沙多王生昨歸
走謂若溪中翰初自關外回京苦道鳳毛瘦林子何意緒梅花不回
首且去莫復愁石梁共遨游涼風秋夏交 天王駐旌

旂

張茶農

深

解元擬黃子久富春山水卷子用王

南田稿

江光欲來處初露一峯美流雲曳帶之峯峯遞青紫下有磊砢石細激灘聲起上有飛樓觀倚賞者誰子長林靜杳冥平岡遠邈迤洲激益微茫沙水去未已漁舟非一路或泛或依止是非南田老誰識大癡理但勿令此幅久落風塵裏速卷付還君采藥吾歸矣

乞許玉年

乃穀

孝廉畫

浙西畫法數奚九

鐵生布衣岡

山水抗手崑山王

椒畦孝廉學浩奚

也深秀不枯僻王也雄放兼柔剛當時圖畫我有二奚作雁宮雲茫茫瀟湘夜雨王所贈懸之五月生秋涼鄙人得隴苦望蜀尙思臥游窮八荒范寬一幅秦川秀王

宰半剪吳波長每見君畫有此意幾年愛之心莫忘邇
聞歸來自塞外更采奇秀胸中藏盤山水石君最悉上
盤松色尤蒼蒼要乞千里收咫尺何時得掛觀其旁

潘紅茶

恭辰

方伯奉使富良江圖

海南島國雜百夷媿徒黎母荒是非強食弱肉鳥獸欺
亂絲轆轤不足釐舊阮復收新阮基牛馬內首就繼縻
終王入表 帝曰咨浩蕩如天包以慈爾疆爾理我爾
綏惟恭辰汝其往治賜一品服上公儀富良渡江南風
微朱衣照水開旌旗龍伯罷釣鮫女嘻驅駕蛟螭從靈
螭珠宮晃漾搖玻璃蛭蜒視之無嶮巖八月不誤星槎

期白象峯巖蒙虎皮蓮花蹴踏王所騎郊迎館人延賓
屏宣以德意示以威百花樓前歌舞嬉歡留十日盡汝
私 天子命我無久羈賓幣百筐元纁緋珊瑚木難珠
貝璣攬衣一笑手却揮何用陸賈多金爲

陳石士

用光

閣學寓園宴集二首

夫子無留物胸中只是真今朝適高興隨意愛詩人不
飲還從醉非才自欲親何由測懷抱無乃寔兼遵
園林有高致何必是山中雨竹娟娟翠風花嫋嫋紅射
場兼好武棋局最爭雄會傍東家宅幽期密與同

送玉年出宰環縣

甘州素凋瘠昨歲人邊愁環縣尙完好今君爲邑侯負
鹽村女出就水野童求早晚蒼生計艱難細與謀

道遇高麗使臣戲簡蘭雪

海東之國高句麗朝正歲歲來如期鳴綠江前春水動
昨日街頭滿白衣道逢相掛語嚶咿問著只是舍人詩
小邦亦解愛文物能誦中朝雅頌詞喜君詩聲日遠大
但莫出口媚外夷君不見長慶詩格何其卑雞林賈人
知購之八哀自有王公贈少陵八哀詩有贈王思禮一篇思禮高麗人通國
曾無識拾遺

陶然亭公讌汪巽泉

守和

先生用亭名爲韻三

首

喜見汪夫子三年慰鬱陶壺尊邀勝日車馬散平臯遠
樹舍雲重春蒲引水高登臨多興緒杖履得毋勞

吾師今鶴髮丰采似當年健步先同輩和光遞末筵看
詩欵帽席勸酒引盃船爲話別來事掀髯一灑然

觴詠分高致衣冠近古型如游魯沂水兼有晉蘭亭落
日半留去微風中醉醒向來清讌地此樂幾人經

龍樹寺宴集四首

一春多宴會未覺散塵襟試問觀魚里何如對鶴林水
蒲分竹色風果亂藤陰不必開清梵窅然空此心

雨過天容淨樓高地勢分花移當戶日鳥度出城雲百
里山猶見千年樹却聞江亭正相對改席欲紛紛
觴政亦多作更新還復誇傳聲鏗玉磬過影急銀槎客
醉尋看竹僧愁護損花羣公儒氣重故故惱禪家

殘陽不在樹野色亂冥冥高閣鳥俱下重門僧欲扃絺
衣侵月冷酒面受風醒回首懶歸騎白雲猶駐停

顧晴芬臯侍郎水竹柴門圖

一水繞竹來抱之萬竹夾水搖差差誰家柴門此幽致
錫山侍郎一幅奇高堂挂出使我看暑月彷彿來涼颺
愴然爲洗塵土目渺爾自動滄洲思又聞侍郎有多幅

一一皆寫瀟湘姿萬蓉湖秋風嫋嫋九龍山夜月筵筵
公如端爲此歸去朝衫便脫吾能隨他年剝啄許相訪
要約共賦煎茶詩

詠庭前馬纓花

馬纓作花如老女過時不采浩無主醉頰酣春霧半迷
絲衣曳曉霞空舉倚風一笑最輕盈帶雨愁癡粧不成
長日悠悠空汝度閒庭寂寂竟誰行我對名姝時太息
玉瓶擬爲攜紅雪無情終不受人憐嗟汝空長好顏色

送屠修伯秉之揚

屠生年少似侯喜早有詩聲滿人耳可憐亦是贈蹶人

釣魚不出沮洳水昨來別我欲南行自道折腰今不恥
我惜屠生好鳳毛君家太守人中豪餘韻應須見爾曹
驪駒舉足志千里鴻鵠得意摩九霄燕市風塵莫留滯
秦淮煙月善游遨我愧杜陵今老矣青眼高歌望吾子

答邱屏南禮

太湖東來作海聲勢欲吞吐吳王城一支迤邐到黎里
浩然流出詩人名徐家父子素能事

謂徐山民父子

箭雲天馬

空中行君詩於徐又小別深谷幽禽時一鳴人間煙火
定不食世上絲竹知誰贖是處塵飛高十丈搖筆不到
西風生徑須歸來就湖上分此萬頃玻璃清因君寄聲

并徐子蒹葭水至煩舟迎

集賓谷先生寓園

名園一角占城西稱與先生結夏宜花木照庭分雜色
茶瓜留客賦新詩當時散馬陪山簡曉日行厨動習池
朱蓋壓城輿衛盛平泉今日自清卮

賓谷先生出示柳州乞巧圖并自爲文記之

柳州乞巧事有無南豐作文先寫圖當時天對答天問
頗借湘纍吐所憤公今借屈還答柳快若以矛轉刺盾
知公未有譏柳意巧說柳州腹中事嗚呼文人游戲何
不有世俗效之乃見醜君不見潮州亦作送窮文至今

士夫疑爲眞

蝦米子姪輩有詩見寄增爲三十韻以示用韻之法

食品此微細乾腴味絕凡白傳江產小紅帶海潮鹹介
士拋金甲晶人解角衫已無鬚可愛翻似腹能絨蠢蠢
觀頤朶蠕蠕出手摻盈堆龍蛻骨細嚼馬咀銜咀字從俗讀平
聲
俊奪長腰菹鮮逾小尾今謂之海賊酸調醢助

爽甘沃酒分饒落筴菹堪配麤蜆醢可芟最宜和韭白
只欲慎梅黻每想迎潮客常乘采月帆飛蝗化蘆莢杜
宇叫松杉曲躍從魚戲深游避鳥鶴並思撈玉出或有

抱珠嵌截浦深沉網依灘巧障籬

今之捕魚蝦者多插柳竹以自障亦射籬

遺意

筠筒收曉靜草屨候宵嚴乍脫逃蠻觸爭搜捕狡兔

腥風吹大澤鹵霧暗晴巖筐暴連三伏篝烘密一炊厥

包新入貢此稅舊無監越賈矜高價吳船送疾颿羹材

羅小海甕腹貯空岳取售登鯖錄分嘗發鮓函紅蠶亂

筐箔綠蟻動盃械客有懷鄉感言還寄遠儂

儂言之儂竹垞先生

亦借押平聲

自憐皮肉皺同失鬢眉影故國思張翰春盤憶

阮咸獠羞供瑣屑蠻語學詁誦么麼搜新巧尖叉鬪嶮

峴雕蟲能汝肖造化苦鐫鏡

送費新橋

丙章

方伯之豫

羣公紛紛謁 帝居公來始覺 天心愉他人常年賜
休沐晝日三接恩獨殊昨提百郡付公手中州自是財
賦區百年一事亦可虞白蓮美人妖中狐晚有弟子傳
洪鬚斬葛刈艾留根株羣愚未識信義訓衣食小小從
脅驅毘連山左最充斥伏匿江右多逃遁亦知投鼠勢
所忌雖未爲蛇氣已粗黃河六月動鼓角朱轡千里翩
旌旗嘉禾在野莠在戶區別非種煩耨斯民聰明亦
可用導以我欲來歸塗徐看風行自偃草不到水煩多
困魚狂言醉語公恕我杞憂知我常煩吁

送茶農之官山左二首

自識槐根住長年只敝衣丹青隨送老詩卷與忘饑昨
日起爲縣吏人驚扣扉還聞持畫出易米未曾歸

此去山東地聲名好自收岱雲天半雨海日大荒流咽
苦蟬聲晚行輕馬力秋知君善爲政只是攪余愁

次韻賓谷先生連宵大雨曉起見簡之作

如海人中不繫舟時於閒處見風流夜來聽雨蒙相憶
曉起爲詩未肯休門外江湖從泛溢庭前竹石益清幽
老人作健須涼爽特洗炎氛送早秋

招夏論圍

際唐

同年燕集

君行指季秋仲秋未有期有期亦不遠念當終乖離屬

有文翰侶復值氣候宜開襟就閒館展席臨華池殘荷
送餘清叢菊破早枝水鳥鳴鼓翼風蝶飛參差絲竹雖
未預褰屐好相嬉矧此性情洽了無形跡羈庶竟一月
歡握手恒若斯恣恣兩別後千里徒相思

驛柳和蔣曉窗

成

孝廉四首

官路垂楊何歷歷馬前相見總愁過三春燕影空原少
六月蟬聲大道多寥落曉霜虛斥堠微茫殘雪動關河
勞人自古無停歇年去年來奈汝何

分無太液靈和質得意東風試舞回白下烏衣亦城郭
青春鸚鵡自樓臺獨飄野戍驚征笛賸照河梁送別杯

何似永豐東角路蛾眉還得傍人來

長亭直接短亭同萬里邊陰莽莽中
衰草苦迷千樹白夕陽愁挂幾絲紅
單于臺迴春風斷勅勒屯寒漢月空
角怨笳悲聲一概玉關搖落更匆匆

回首長途夾道齊廿年來往入征蹄
半枯病葉常依店獨臥危枝慣傍溪
趙北霜前最蕭瑟淮南雨裏總淒迷
西湖煙月不歸去空向天涯唱大隄

賓谷先生招同觀菊

報與秋來興連畦買菊枝倚香攜酒
近看影下燈遲有客從佳賞無詩任
懶爲和陶吾豈敢敬恐負清卮

戲贈孫又橋奎舍人秋夜入直

夜露溼清禁，秋河帶霽天。
誰聯疎雨句，自檢白雲篇。
侍女香爐下，中官錦被傳。
鳳池多故事，可憶漢宮年。

客館秋夜與友論詩

鶴棲夜色靜，蟲吟秋思悲。
空室無可悅，懷古方有期。
扣門得所歡，言笑遂忘疲。
翳翳西窗燭，灑灑南樓卮。
情慙興不淺，理達論無卑。
解頤子自足，欲贊我何辭。
聊復吐悃素，是非更擇之。

論詩十首

至道秘多妙，元化迭更新。
往者雖善取，山淵有遺珍。
溯

從建安來述作代幾人自得本無授天造初非因傷廉
必捐愛知難務去陳嗚呼任樂安誰能盜其眞可憐李
樊南瘡撫無完身

太沖不羈世弱歲觀卓犖靈運乃清流閒居展戲謔士
衡頤典墳元覽自探索淵明敦詩書夙好如赴約自來
詣孤絕孰不究精博采藍不盈籩采綠不盈掬嗟嗟染
人子曷以彰余服

鷓鴣興淑女關關是何聲楊柳寫征夫依依是何情坐
覽四始義流觀萬化生新機非故守幽理無顯呈偶觸
似有得欲語仍難名靜契佇來會急躁徒強營

斯文遞升降今古一轍同正始風流遠餘波綺靡終每窮則必變愈下亦彌工後人爭出入奴主紛相攻徒立門戶見焉識道汗隆六義自天壤達者得其通

詩源出三百遷流各殊體雖分百家製必寓一篇理初奏有萬端終曲無二旨試誦葛覃詠事爲賢妃美何以表儉勤不出一衣耳再讀芣苢篇六字自終始薄采乃初出襯衣斯歸矣欲知理如絲先觀脈如水盡說吾未能一隅聊舉似

割經入歌詩旁及子史類晉宋始多採梁陳必爲對太白語高妙昌黎才橫肆亦好子雲奇頗摘屈宋麗豈爲

矜藻飾取足達我意乃知古能者事與餽飭異杜陵獨
無類了不見隸事平生破萬卷適用在一字

拈出山石句乃笑女郎格試觀凝香篇定嫌草野習嗜
好一偏勝俱非中和則方其堅所持亦莫能破說浸滌
於古深久自變氣質

古詩十九首建安六七子下逮陶謝輩以及韋柳止遺
山論五言似不數子美後來王阮翁操選亦本此二子
豈無識遂恐橫決始要亦形似見未爲熟精理莫誤二
子言規規事摹擬能自成一家坡谷吾敢毀

七言稱神品近體杜尤擅摩詰亦臻妙東川不可慢義

山長風刺刻意出深鍊頗於微顯旨畧用春秋斷遂開
明諸子空同可一戰憲章白帝城刻畫玉臺觀雄拔爲
之主備此一體善吾師劍南老杜後獨盡變

辨才逞虛論千言得馳逐及乎賦小景一語受窘束吾

向有所思十年耿在腹竊觀古人篇四時頗不足春風

扇微和

陶句

夏雨生衆綠

韋句

秋日懸清光

江句

冬句缺誰續

衆且姑思之吾言不煩竄

丁卯橋

泰

舍人寓宅月下觀菊

曾家看菊昨日風阿娘不肯憐孤英丁家看菊今夜月
嫦娥獨許來初更前楹有月花作影後楹無月燈自明

須臾月滿奪燈過滅燈看影影更清一叢臥地軟無力
幾點著衣疎有情稍疑杏下寒藻漾不滅竹外斜枝橫
微風玲瓏孤光亂深露清切虛寒生衆賓欲起且復止
主人勸盡雙玉瓶三更愈覺淡如水四座漸見長於屏
却憶曾家花在否明朝還擬訪南城

吳氏一家稿

笏庵詩四

錢塘 吳清鵬 程九

戊子

邑館

邑館多餘屋常時有徙移同來荷存問相得日親知發
篋傳分果攜燈送看詩月高風露重貪話下堦遲

煖鍋效韓孟聯句體分得合字

范金出匠巧烹食及冬臘下爲仰孟向上與覆釜合形
模陋豆登度量狹升合出入掌饗庖加減主閭閻未足
煨羊豕只可羹鴟鴞急遞走風檐團坐候雪榻升中正

瑤席出後殿芳楹連肩豕項縮貼額虎耳搭又如曝背
龜復類閉口蛤外竅渾沌破中包元黃雜頗矜大腹恃
未知何物納窑煙冒寒冱塚火閃陰颯方當內熱沸益
甚勢呵欲時於小挹注復下聲嗚嗚九返守丹鼎百匝
繞花塔水火告既濟飲食得噬嗑飢鷹側清睨寒蚊聚
密嚼集七小泛艇受夾深下鉞數數逐舖獸區區效周
而圓外真模稜滿中愈冗闕卓臍困熬煎儀舌做開闔
幸荷加滌濯未甚遭折拉常使居調燮豈敢告潰涸東
鄰客號熱西第伯呼黯賓謀肉食參主策火攻客雖無
賢鼎養賴有朋簪盍請赴隻雞招放夢羣羊踏各無失

後時殘年已近卉

黃梅花二首

蜜花不肯爲春色獨放疎枝小雪天淨比妙裝檀玉佛
瘦成宮額蕊珠仙貪依野竹荒寒外巧避林梅爛漫先
只有蘭馨託心素暄寒無奈不同妍

天爲梅花太主張未施朱粉巧塗黃澗荒欲凍孤橫見
月淡初昏亂隱藏冷蕊難開無盡力繁枝易折爲多香
水仙清絕山茶豔歲晚須留伴久長

謝友人惠鹿尾雙雞

翰林職冷無酬酢歲晚飛書得米遲敢以壺殮煩從者

漫勞風雪享多儀
減分公膳何深寵
賜出仙庖莫誤持
厚祿故交殊不少
如君真有古人思

楊椒山先生故宅

松筠菴在城之西
先生故宅今菴基
後人以菴識公宅
大書入壁留鐫題
子孫中盡鮮支庶
香火歲祀歸閣黎
霜晴老樹半猶活
月黑大鳥時來棲
想當發憤上書日
列數罪狀奸膽褫
朝衫血裏豈不慘
忠義蹈赴甘如飴
後世不復見此事
太平幸際有道時
區區搜剔亦何用
大不能攫小掇之
我來下馬拜祠下
夜夢靈駕排雲馳
九關虎豹伏不動
引手摘弄神龍髭

後出塞三首

王師昨歲誅元惡寬大游魂貸爾曹豈謂勅書憐贊普
再聞牧馬近臨洮鬼章餘孽敢仇復神策諸軍何算操
詔發大農籌不易宵衣頻覺 聖躬勞

宛馬遙從西極來 先皇日闕亦艱哉神功百戰收青

海古恨千秋雪紫臺

高廟平噶爾丹定青海之地竟列聖之緒常謂我朝爲漢唐諸

君雪恥紫臺用少陵明妃村詩

漫閉玉關通使絕

按乾隆二十三年開關絕俄羅斯貿易四

十五年復開市五十四年又以俄羅斯納我逃人閉關嚴大黃出界之禁此次平回疆善後大臣復議禁止大黃茶葉出界而須臨渤海洗兵回由來年

堯岳忠多雄

畧惟賴羣公協濟才

賊意多端未足疑 九重詔下復征西
應無久戍防秋怨 豈有孤軍失道迷
北去釜魚猶假息 南來巢鳥未安棲
請纓投筆須年少 衰耳徒爲聽鼓鼙

雪後游城南有懷

凝陰已散霽積素 浩在目銀闕裝
帝城珠旒綴茅屋 孤光混太虛
餘妍秀枯禿 因作城南游 一片踏寒玉
微徑有人跡 知已先我獨
旣升瑤臺頂 還繞江亭足
原日乍照耀 林風亂回撲
千影動鱗甲 萬形成羽族
近矚祛氛垢 遠眺蕩煩促
睠言懷素心 曷往共高躅
尖嬾尙不出 明日泥汗濁

趙飛燕玉印歌

白虹氣繞昭陽殿漢皇初勅才人選凝脂一寸桃花鮮
美人肌肉同可憐此時緘情可君旨骨瘦身輕飛上紙
秋來亦作歸風歌比量紈扇還如何

冰牀

疾風吹水斷水聲玉河一夜磨砥平七尺繩牀可坐臥
一雙革鞜管送迎人間陌塵飛不到天上玉京作馳道
蒙莊先生運尻輿抱朴老仙乘氣躡此時衽席得安行
支枕看天一笑生大意從來終有失自倚脚跟堅似鐵
不虞疾走少周防未到中途遭一跌今年一跌猶可支

明年履薄須戒之

火炕

北地早寒常苦冬北人附熱家家同
蟄蟲坏戶占室處
惠花入窰偷春工少女容顏盡桃李
老人筋骨如枯松
陽和發洩忌太早爍炙豈不潛相攻
嗟我南人便南俗
畏此何啻火宅中十年客臥殊未慣
近亦稍稍能圓通
含香侍女避司寢熾炭小臣來媚公
習俗移人自不覺
漸恐頭腦成冬烘

蟄蟲唐花
皆喻人

己丑

元旦早朝

是日
立春

玉瑄初調朔氣均珠杓正指歲朝春東郊已出陪 蒼
駕北關還趨賀 紫宸萬壽山迎佳氣近太和殿啟淑
華新小臣得與簪毫列解頌椒花撰吉辰

長安賀客行

朝正散歸馬統統開九闔日高賀客滿道塞羣車喧俱
過許趙家回集金張門入刺不得面始覺奴隸尊此未
足吁怪奈何故舊人窮日走飢渴不一具盤飧原夫禮
之始風俗本古淳念茲久契濶所以展親親近者愆其
實聊作歲例循羣議欲廢此尙愛餼羊存有來且須答
不報受怨嗔終思共往還窮老歸鄉鄰

次韻賓谷先生游琉璃廠

年頭接年尾閒過幾蕘
莢值曉雪漉漉霽午風獵獵側
聞廠門開東西可游涉
列貨紛百詭巧售爭一捷
市燈已張春街鼓猶打臘
擁前滯去足牽後惑回
曉香輪舞寶馬羅裾散
繡蝶買花動盈把使錢
多用帖市中私鈔謂之錢帖
時見繡衣使鞭呼出彈壓

陸秋生

鈞

孝廉以夢中詩見示

寒星墮水月滿船
陸子夜枕蕪城眠
夢游倏忽迷處所
但聞鬼唱秋墳邊
句中似有亡國怨
不知吳耶隋耶字
字心酸然君不見
館娃宮中散采蓮
邗溝日暮流哀泉

又不見雷塘道上錦帆去迷樓秋老埋寒煙愁花怨葉
久無主古月一照三千年江山清夜偶一出煩君寄語
傷心傳不然人閒安得有此宣華篇悲來我亦不忍更
卒讀怕復有夢夜墮白塔紅橋前

樂社子歌

賓谷先生近
號樂社子

百年一宿皆蘧廬萬物何者爲真吾形骸草木眞腐餘
魏王何須種大瓠封人不合稱長梧先生自足德充符
遊於逍遙集於虛土苴治身知己粗養此無用全吾初
知我者以散木呼不知我者彼乃散人愚賤子亦是支
離徒雖未聞道夢蘧蘧出世入世何有乎焉能脩飾爲

形軀急尋子來攜子興入門一笑公許無

李氏園

卽孫少宰承澤
故園之一隅

孫園舊近梁園接韋曲兼通杜曲尋一代風流俄寂寞
幾家割據尙幽深小桃細柳繁春色冷日閒雲淡曉陰
回首研山觴詠歇百年誰復嗣清吟

章辛園

錫金

同年惠日注茶有言昆明湖水似

西子湖者將試焉卽邀辛園同往

東坡論茶不皆誣獨屈日注爲隸奴當時官焙失火法
較量煎水徒已膚舍本求末詎識要何曾見此生翠腴
邇來炒茶得茶性眞色妙與眞味俱但取中冷第一水

不須細分魚鱗珠我今久別耶溪曲正值相思渴不足
故人知我病文園遠爲一奩致新馥分無翠袖點綠珠
尙有花瓷琢紅玉惜哉城中水太惡新雪白沙無一掬
新雪白沙皆西湖泉名 明朝出郭尋湖水試把昆明較西子還將
君物共君嘗莫辭走馬三十里

消夏五詠

瓦噴壺

我有提壺陶器良灌花能使花爲涼隨風細裊白雨脚
出水倒折青蓮房抱甕漢陰徒掇掇引筒蜀道只汪汪
卽看潤葉津莖裏已有數枝開晚香

竹汗衫

斷竹續竹無寸長
千絲萬絲網在綱
穿成宛比珍珠琲
著處俄生鱗甲光
刻露冰肌見姑射
點汗清淚濕瀟湘
丈夫對客須盤礴
何必簾衣影裏藏

蠅拂

龍鬚拂只駭雞鳴
塵尾柄但驅牛行
午筵擾擾此須執
曉帳營營還得擎
若輩撲除原不易
一時披拂暫爲清
何當催轉西風早
淨掃門庭作帚聲

黃瓜

黃花未見炎風候
翠實曾聞冷雪天
正月獻新先大戶

一莖生小值千錢
離離老圃將除架
欸欸貧庖爲設筵
後食不妨如臂大
瓦盆無藉玉盤憐

蠶豆

吳中種豆多肥美
烏白花開候正蠶
野客煮嘗隨瓦鬲
園人摘贈滿筠籃
綠珠翠筴遙相憶
紫笋朱櫻最共貪
燕市十年稀下箸
於今地氣似江南

壁棚

五月暑已盛
早晚日炙壁
檐低屋霑淺
亭午氣愈烈
豈無十年蔭
樹此半畝隙
寓客鮮久計
前人俱未及
高門有結構
連雲暗羃歷
匠巧出精細
樓臺用組織
往者山

藻飾刻畫到秋荻吾廬識處分工力固易集已遣視間
架今晨起突兀此輩真傑迅一墮那得測三五互騰趨
須臾斷手畢朱炎安在哉杜句清風自旁入大哉覆被恩
終亦仗衆力與酒答勞苦濯足洗煩熱伊亦猶人子多
錢爲我役

金鰲玉螭橋觀荷

曉色淨宮露妙香生池蓮鰲身負遙岸虹影俯中川娟
娟花冒水冉冉葉浮煙游魚錦邊戲鷗鷺鏡中眠龍樓
杳深沉但覺清氣連 聖人省游樂局閉每經年高閣
闕松色綵舟藏柳邊儲備數未缺灑掃職猶專小臣荷

休沐偶此俯清漣心游淨界外身倚瑤島前佇立增企
想欲去屢遷延願覩黃鵠下玉輦奉周旋

凌謙齋

奉交

太守謁選入都於寓園蒔植花竹

以詩見投賦答二首

暫儼羅含宅新開庾信園異書消永日深竹閉閒門更
水傳魚食移花引蝶翻誰知五馬貴清興落邱樊
長安久流寓吾亦厭囂塵邑館無閒院居人有雜賓蒔
花規北舍乞竹就東鄰買宅何時遂楊雄只自貧

望西山二首

百里西山色蒼然滿帝京太行來不近秋雨洗逾明

鳥欲背城去雲多傍嶺行東華逢散直拄笏易爲情
先帝昔巡幸鑾輿必自秋傳聞五百寺俱在最高頭月
殿松陰古霜崖柿葉稠幾時陪豹尾信宿盡深游

偕許藕舫

乃廣

編修送人出守歸太液池橋晚

步

一秋五送作太守西風折盡無情柳歸來靜掩玉堂扉
啼鳥感人傷別離平生心事惟君知喜君與我同襟期
羞換涼州十斛酒肯賭宣城一局棋但恐時來住不得
一朝舍我還奮飛蓬萊晚出雲漠漠太液水花時未落
池邊白鷺立久待風裏紅粧舞交作桐帽棕鞋相與來

及時攜手須行樂

同舍有失金者戲之

發篋忽驚杯化日開厨不信畫飛時
來朝敬叔自多寶同舍直生誰可疑
我是一瓊惟故物夜來空室笑偷兒
頻年外戶忘關鍵竟夕安眠少戒持

啖芋戲成

君不見山家種芋大於卵倒甕傾筐足
磊砢又不見田家噉芋鮮如荔紫衣
白肉真柔膩尋常梨棗未足誇頓頓
可以充胡麻薪荒米貴會時急百顆
一飽歡全家貴人但飲羊羔兒此味
終身應不知一朝却被山僧戲夜

分爲設盤中謎要令一生甜軟中領取十年宰相味可
憐貴人至今癡只說禪機有深意

送沈舜卿

魏皆

同年歸六安二首

時由御史
改官郎中

昨日傳宣下驚聞出諫臺細思走馬問只欲拂衣回志
決已陳表情傷聊勸杯郎官應列宿亦自漢廷來

送子清秋去吾猶未及還蟬聲黃葉晚鶴意白雲關石
古毛公洞花明王母山相期廬霍外會共與登攀

送又橋南還

長安多寓客日夕有歸騎他人如過鳥雖別不爲意舍
人獨感我依依見情誼念君昨歲來具道平生契流連

過晨夕緩急露肝肺萬事爲友朋一載過昆季常恐遂
離分不謂今已至成裝候明發欲留不得繫情至無盡
言道在有歷試平湖早鼓柁廬江莫停柁樊棘不可止
瓜李慎所避故壘若未忘東風幸來睇

秋夜三首

新涼霽積雨夜坐空秋齋古人忽感我掩卷起徘徊鄰
牆過槐竹窗月時已來微風搖曳之無聲影可猜開門
奴僕睡徐徐下庭階不復呼使醒未遣知我懷

明月欲東去灑氣挈西行纖阿不自主牽曳無由停秋
樹已微禿林端迥孤明風葉時一墜清露淒有聲氣至

多爾詩卷四
若或使分定誰能營羨彼安巢鳥戢翼不復鳴北雁爾
何事急急還南征

夜靜感人心秋高見天宇明河亘若流衆星聚如語織
女限無梁匏瓜傷獨處無情尙愛眷我今與誰度於陵
有灌叟谷口有耕侶念辭蓬門來不久謂當去逐物坐
牽纏違志見乖阻佇立悄延頸惆悵至達曙

小春朔日賓谷先生招同寓宅觀菊有詩次韻

二首

花亦未覺遲人亦未覺老

先生詩今年花較
遲去年人已老

公看造化

意似欲慰潦倒秋去雖已盡春小頗來早風日有和氣

益見籬落好願公盡此樽有樂過魚藻明年定起公再
出廣天保

園人種此花呼之有多名問其所由然花亦不自明或
醜而貴葉或妍而賤莖高下限地勢憎愛隨人情宜取
而反棄使我常不平公且嗅霜蕊吾亦餐落英但遇有
花地聊復放眼醒

蘭雪舍人復招同人爲展重陽之會仍用前韻
看菊成歲例詩人有二老華筵值一金杜句送客玉山倒

曾家藕絲衣開吐昨猶早君家玉盤盃今足十分好

藕絲

衣玉盤盃皆菊中上品

亦欲効一獻區區託芹藻惜無顏公錢預

付酒家保

此會昔云盛能事俱有名自從陳

石士前輩

李

春湖前輩

輩一出

辭春明獨喜七十翁數肯撚雪莖

謂賓谷先生

但恐賦歸去

永懷東湖情君又樂外補出手試治平明年蟋蟀啼唧

唧悲秋英徒有夢中句夜驚髯老醒

東坡詩自註夢與子由游南山出數

十詩見示覺而但記其一句云蟋蟀悲秋菊髯老謂八兄

遲蘭雪詩不至將復過訪

一昔別元亮苦憶令人老未蒙南山詠應醉東籬倒尙
思扣柴關再趁踏月早坐看五色叢飛上嬋娟好深堂
瀉寒水有影如清藻焉能走冠蓋絲竹鬧鄰保

黃鍾不發響瓦缶將成名胡爲久闕之不遣耳暫明舞
蜨下寒色啼蛩抱疎莖萬物各爲媚微生俱有情曷不
唱高言醉曲歌清平勿謂知者寡無人聽咸英明珠在
海底驪龍睡欲醒

邑館贈金棠友

夢

鄉黨有先達舍宅稱仁賢

仁錢邑館爲棠友令
祖雨叔先生創建

寒士至

今感子孫轉可憐晚歲走京國旅食無囊錢下馬問館
人倘有屋一間前堂我久占後寢復不閒本是君家宅
衆議將謀遷君又力勸止如此非安便不肯就南楹但
請處西偏豆觴謙受惡衣冠敬作先退然服禮度藹如

吐仁言無忝子繼志有恥余厚顏

種竹

北地苦無竹有竹亦不肥
嶷嶷黃犢角不見生春泥
空懷江南夢歲逐燕子飛
屋東有席地量度可以畦
臘月利栽種辰日不可遲
朝起理荒穢夕來加灌滋
幾日幸得氣生意頗見宜
人生手自營私愛過所期
明年春風香當爲開園扉
誰云慕高節一飽倘庶幾

次韻賓谷先生西山紀游

日日落羈絆春秋廢游賞
時下東華直貪挹西山爽
心隨去鳥微目送孤雲恍
徘徊暫拄笏突兀獨倚幌
聞公

事探討籃輿決孤往歸來示新詩令作渡河想潭柘過
元圃戒壇勝壺丈豈比談陽朔不值一錢獎會須夢天
姥夜著雙屐上

送棠友還浙

別君三十年見面已不識既來又不處告別何太亟君
意向我厚豁達無所匿論詩洞識理嗜酒靜觀德舞劍
復過人彈琴欲傾國正好周旋時忽忽乖羽翼人生一
虎背世味兩雞肋紛紛奔走煩漠漠前程黑君轅又改
南我轍猶向北百年各難定萬事那可測未知再見期
臨分悵惻惻

庚寅

送蘭雪牧黔西四首

作郡已成老之官猶自難淹遲過元夕寂寞對長安市
靜燈俱落筵深酒又寒王程有期限且得理征鞍

湘水下帆影黔雲入馬蹄遙知三月暮應到五溪西花
好臨江看詩多過驛題龍場須近出志在必攀躋

水西今列郡羅甸古殊方塞雨連陰暗溪花逐瘴香苗
童供漢役犵女學蠻粧回首囊仙亂種穠亦慎防

王囊
傲之

亂種苗穠
苗皆附之

大雅中橫決百年詩道微豪名人不敵老手子應稀雪

後殘梅落風前早燕歸一尊須共論萬里獨翻飛

雨坐

風前數花落樹外一禽語卷幔寂無人獨坐空庭雨

雪後游天王寺五首

春游寒未出今日好晴天城郭融殘雪郊原生遠煙馬
行沙路淨鳥浴水華鮮林表見孤寺疎鐘忽遞傳

山門扃不啟旁舍繞通連欲與支公語因過方丈前掃
晴車轉雪汲曉擔分泉自是禪規肅無由任嬾便

寺裏天王塔城邊已見來入雲猶岌業飛鳥與翔迴奔
會人天喜森羅鬼物猜開皇好營建千古亦荒哉

高閣含清景虛牕散遠顏浮雲連北塞積雪滿西山風
細墟煙直沙寒隴色閒時間九衢外車馬去班班
已發藏花窖仍開種菜畦寺僧貧食力城客遠留樓坐
久風來北行遲日過西晚衣微覺冷歸路轉愁迷

寓園桃杏盛開示諸生

今晨風日好春氣覺已蘇披帷散余步聊且樂斯須念
昨初來時蕭條衆色枯驚沙暗林薄殘雪被徑塗寒谷
無終閔元功與默噓化機一以暢生理不復拘灼灼桃
杏枝燦燦照庭隅芬芳自遠發顏色且敷腴蜂蝶無媒
至好鳥以類呼海棠獨寂寞含意猶未舒根株分氣候

千載浣花宗法在莫將土苴棄眞精

簡魏默深

源

孝廉

時默深取漢魏以來詩作詩微一卷乞余校定

且停衆說聽吾說一笑應爲衆解頤履武不疑生子事
重華偏信娶妻詩平生嬾作千家註公等宜須十日思
若問凱風何不怨試看雲漢豈無遺

澄懷園訪許眞生

乃普

侍讀遂登近光樓眺覽

陸小雅侍御後至晚飲池上同過祁春圃

寓藻

侍講夜宿樓下

祁時亦直

內廷

同賜宅澄懷園

許子美速藻有似漢枚生侍直 內廷秘退食 賜園

清園中二三子俱是蕭閒卿高居不浪出 天章和韶

諷過此無一事靜坐聽流鶯東風三月來綠遍瑤草莖
余心屬有懷思一訪仙瀛君知故來意笑向門前迎爲
余掃盤陀引余開軒楹水榭迥清曠石林蟠紆縈新萍
已浮葉小桃未落英班班魚戲藻呦呦鹿食苹幽行互
迴復勝坐屢遷更層梯攀傑閣復眺西山橫數峯過宿
雨初洗煙曩晴回首叫鸞鶴五雲鬱崢嶸知是蓬萊居
但見仙樹明忽憶采鸞女借吳姓自謂何年別飛瓊借許姓謂眞生
同侍瑤池宴雙吹紫鳳笙隨風一誤落永謝游碧城晚
就池上酌月露浩已盈更逢陸御史開懷訴杯行南烹
割金鯽北飯炊香秬留歡感所惠物微意不輕因說祁

夫子喜余有嬾名籬落出燈火只隔一水程百步可走
訪杲然聞笑聲遂滿所坐室飲余龍團烹人生意氣合
所貴識性情甚蒙三子愛甚知三子誠願言偕大道窈
窕究至精長揖謝流輩高談託生平誰謂形骸隔庶以
肺腑傾夜闌參斗轉反側寐不成雞鳴破一宿幾時重
合并

紙鳶

刻鵠汝未類造鳳誰所營水妃與骨細雲母假翼輕既
便地勢曠復宜氣候清煙路細婀娜颺馭小欵傾雨後
來初少霞邊去最明藐茲負薄質危乎厲高程幸蒙吹

嘯上詎免牽曳行雲霄有眞骨萬里獨縱橫

勸君莫學書贈孫秋士

憲儀

秀才卽題其種紙

山房

勸君莫學書學書使眼枯憶昔少年十四五朝朝弄筆
襟袖烏東家芭蕉不敢種西家梧桐常苦疎晨光暮影
動毫髮自倚眼力能追摹纔經三十已不耐燈下小兒
常欺吾邇來耗損到肝腎外眊益甚由中虛龍池有水
不能洗但思嬾惰如髯蘇秋士先生爾今行年過五十
精力豈復從前如霧裏看花聊復爾雪中種紙胡爲乎
綠天庵青龍寺二子成名已去難攀呼便能上方下比

無不足且有餘古來好事今人無籠鵝道士不見顧賣
扇老嫗常造廬况今五月正毒熱几案著人如沸鑪只
宜科頭跣足散坐搖大扇不然北窗一枕放倒七尺軀
何苦折腰俯首歇不得汗漿翻水終日爲人奴

野飲

覆席低風柳捎衣響水蒲居人出窺看落日雜歌呼紅
芍傳花用青梅醒酒須興來攜所有不必累行厨

王文成公講學處

荆公才代出新建質天生各美千秋在俱偏一世行已
曾齊郭李那用勝朱程倘入尼山座由求變化成

簡邵魚竹

正笏侍御

諫官豈不達而我殊可憐
閉口學小心遇事不敢肩
旁人因笑我或反疑我賢
蜚鼃旣數月陽城或七年
焉知我懶情疑笑爾未然
夔龍翊泰階七曜安其躔
朝廷自密勿經緯固萬全
豈無細闕漏山海補壤涓
君今志願大努力萬事先
白鷺食茄下皂雕擊霜前
須存上下體必分中外權
涑水有遺誠急大當勉旃
君看御史臺歷歷題名鏤
至今千載後猶得知忠奸

又簡同官

御史古上士今以大夫爲更兼衆多職古亦未有之矧

今 天子聖耳目任不疑宰相欲有言喜怒懼莫知御
史苟有言朝拜未夕施是以羣臣懼皆避御史威百爾
盡檢節宰相日慎儀常思對中外曷以面 帝扉 朝
廷賞鯁直所以風庶司用才破格外責效於樞機臣如
希寵利豈爲汝階梯前車鑒不遠同舟義莫違羣公自
忠信賤子煩扶持

茅屋秋燈圖爲魚竹戲題

但使長安大抵同翰林官比秀才窮依然卓地三間白
豈有朝天九朶紅金谷誰家燒蠟燭杜陵昨夜破秋風
莫教兒輩還知味他日閒愁似乃公

和江式新秀才

清江舊築攔黃壩議絕河流入漕渠束水刷沙關歲計
飛芻轉粟爲 天儲檣帆順利知無恙詩句清新况有
餘莫怪鄙人還絮問年來灌運法何如

不出

誤緣一懶得高名獲罪還嫌太懶生得失我原行我意
是非人亦近人情高低臥雨花枝重來往啣泥燕態輕
且未出門聊自適六街塵土正汙纓